

Ո Ր Ո Շ Ո Ւ Մ
16 ՓԵՏՐՎԱՐԻ 2026 ԹՎԱԿԱՆԻ

ԳՆՈՒՄՆԵՐԻ ԳՈՐԾԸՆԹԱՑԻՆ ՄԱՍՆԱԿՑԵԼՈՒ ԻՐԱՎՈՒՆՔ
ՉՈՒՆԵՑՈՂ ՄԱՍՆԱԿԻՑՆԵՐԻ ՑՈՒՑԱԿՈՒՄ ՆԵՐԱՌԵԼՈՒ ՄԱՍԻՆ

«Արևալիրի մարզի, Փարաքար համայնքի «Արևաշատի մանկապարտեզ» ՀՈԱԿ-ի կարիքների համար սննդամթերքի ձեռքբերման նպատակով 04 դեկտեմբերի 2025թ. կազմակերպված «ԱՄՓՀ-ԱՐՇՄ-ԳՀԱՊԶԲ-01/26» ծածկագրով գնանշման հարցման գնման ընթացակարգին (այսուհետ՝ Ընթացակարգ) մասնակցության հայտ է ներկայացրել նաև «ՊՐԵՍՏԻԺ-ՖՈՒԴ» ՍՊԸ-ն (այսուհետ նաև Մասնակից) ինչի արդյունքում 26. 01. 2026թ. «Արևաշատի մանկապարտեզ» ՀՈԱԿ-ի և «ՊՐԵՍՏԻԺ-ՖՈՒԴ» ՍՊԸ-ի միջև կնքվել է «ԱՄՓՀ-ԱՐՇՄ-ԳՀԱՊԶԲ-01/26-4» ծածկագրով սննդամթերքի մատակարարման պայմանագիր:

«ՊՐԵՍՏԻԺ-ՖՈՒԴ» ՍՊԸ-ն 11. 02. 2026թ. գրություն է ներկայացրել պատվիրատուին, համաձայն որի հրաժարվում է մատակարարել ԱՄՓՀ-ԱՐՇՄ-ԳՀԱՊԶԲ-01/26-4» ծածկագրով կնքված պայմանագրի 7-րդ և 21-րդ չափաբաժինները:

Ղեկավարվելով «Գնումների մասին» ՀՀ օրենքի (այսուհետ՝ Օրենք) 6-րդ հոդվածի 1-ին կետի 6-րդ ենթակետի ա. պարբերությամբ՝ (խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը) և հիմք ընդունելով ներքոնշյալ աղյուսակում նշված հանգամանք(ներ)ի առկայությունը որոշում եմ ստորև բերված աղյուսակում նշված մասնակցին ներառել գնումների գործընթացին մասնակցելու իրավունք չունեցող մասնակիցների ցուցակում:

